

**Emañ an enskrivadur d'an Diplom Studioù Keltiek evit ar bloavezh-skol 2021-2022 o paouez digoriñ.**

## **An Diplom Studioù Keltiek (D.S.K.)**

Ur stummadur gallek diwar-benn Breizh hag ar broioù keltiek an hini eo, digor d'an holl, kinniget gant Skol-veur Roazhon 2.

### **PUBLIK**

Ar stummadur-mañ a zo bet ijinet evit klotañ gant ur publik ledan : an holl dud a fell dezho, dre abegoù a vicher, dre guriusted pe dre youl, donaat o anaoudegezh eus Breizh. Diplom ebet na vo goulennet evit en em enskrivañ : diouzh ar c'hoant hag al lusk nemeto a ziskouezo ar re a vo war ar renk e vo graet an dibab en o zouez. An dud divachelouriezh avat ne vefont degemeret nemet dre asant ur bodad tuta.

### **KELENNADUR**

Lakaat a ra ar c'helennadur da anavezout ar broioù keltiek ; istor, douaroniezh, lennegezh, arzoù ha sonerezh Breizh, ha da dañvaat ar sevenadur vrezhonek. Kentelioù a vez ivez diwar-benn ar vuhez a-vremañ e Breizh war tachennoù an armezh, ar gevredigezh, ar politikerezh.

En holl e vez 120 eurvezh kentelioù d'ar yaou, er skol veur, etre hanter miz Gwengolo hag hanter miz Ebrel.

### **AR GELENNERIEN**

Ar gelennerien a zo ur pemzek den bennak anezho, arbennik, gouiziek ha brudet, pe kelennerien a-vicher, pe tud a vicherioù all, bet choazet e-mesk ar re wellañ war o zachenn : Erwan Chartier-Le Floch, Cédric Choplin, Jacqueline Duroc, Gaël Hily, Erwan Hupel, Mikaël Jouanno, Ronan Le Coadic, Laurence Le Dû-Blayo, Stefan Moal, Alain-Gabriel Monot, Vincent Morel, Jean Ollivro, François Prigent ha Lionel Rousselot.

### **DANVEZ AR C'HENTELIOÙ**

Lodet eo bet ar c'helennadur etre pemp tachenn vras, 24 eurvezh kentelioù da bep hini.

- An hini gentañ eo ar broioù keltiek anezhi.
- An eil a zo anezhi istor ha douaroniezh Breizh abaoe penn diwezhañ ar Grennamzer betek bremañ ; teurel a ra ur sell war ensavadurioù ar broviñs, tres ar vro, an ekonomiezh, dazont Breizh.
- War an drede tachenn e vo klasket soubañ ar studierien e lennegezh, arzoù ha sonerezh Breizh.
- Roiñ a ra (e galleg) ar bedervet tachenn un tañva eus ar sevenadur brezhonek : lennegezh dre skrid (barzhoniezh, lavar-plaen) pe dre gomz : kan ha kontadennoù ar bobl, pinvidigezh ha liesseurterd ar brezhoneg komzet.
- Er pempvet e vo kavet traou liesseurt : sokiologiezh, armerzh, politikerezh, un tañva eus ar gallaoueg hag eus sevenadur Breizh Uhel ; klasket e vo ivez ijinañ doare Breizh en amzer da zont.

Evit bezañ kelaouet a-zivout ar stummadur pe evit goulenn ur follenn enskrivañ :

**SKOL-VEUR ROAZHON 2 - BUREV AR YEZHOU** (arabat mont d'ar burev hep bezañ bet telefonet pe skrivet en a-raok)  
Kampus Keryann - Savadur i - Burev i17bis - Plasenn ar Rektor Herri Moal - CS 24307 - 35043 ROAZHON CEDEX  
+33 (0)2 99 14 16 07  
[sfc-bdl@univ-rennes2.fr](mailto:sfc-bdl@univ-rennes2.fr)

An teuliadoù enskrivañ a zo da vezañ kaset a-raok al lun 30 a viz Eost 2021. Peursellet e vo outo gant ar bodad degemer etre an deiz kentañ hag an 3 a viz Gwengolo 2021.

**Aliañ a reomp ac'hanoc'h memestra da gas anezho a-raok deiz kentañ miz Gouere 2021 ; peursellet e vo penn kentañ miz Gouere gant ar bodad degemer ouzh an teuliadoù bet resevet gantañ.**

**Taolit evezh** : serr e vo Burev ar yezhoù adalek ar 20 a viz Gouere betek ar 25 a viz Eost. Digor e vo en-dro d'ar yaou 26 a viz Eost 2021.

Frejoù enskrivañ : 660 € - Tud dilabour ha studierien : 415 € - Paeet gant un embregerezh pe un ensavadur bennak : 1 120 €

Skrivet eo bet ar pennad-mañ gant Kendeskiñ.

Kendeskiñ a zo anv kevredigezh studierien an Diplom Studioù Keltiek anezhañ. Degemer a ra Kendeskiñ bep bloaz ar rummadoù studierien nevez enskrivet ; kinnig a ra d'an dud e-kerzh ar bloaz en em gavout evit abadenn pe abadenn digor d'an holl diwar-benn an hini-mañ-hini eus an danvezioù bet studiet er c'hentelioù.

Miz Mezheven ha miz Gouere a zegemero Kendeskiñ e Roazhon an dud a faoto dezho gouzout hiroc'h a-zivout an D.S.K.

Evit gouzout pehare ha pelec'h, skrivit deomp d'an adres-mañ: [kendeskin@kendeskin.bzh](mailto:kendeskin@kendeskin.bzh)

[www.facebook.com/KENDESKIN](https://www.facebook.com/KENDESKIN)